

**Bosna i Hercegovina**  
**Federacija Bosne i Hercegovine**  
**KANTON SARAJEVO**  
**Ministarstvo za nauku, visoko obrazovanje i mlade**

**Komisija za izbor i imenovanje predsjednika i članova Upravnog odbora Univerziteta u Sarajevu – ispred osnivača**

**Broj: 02-04-43454-27.2/21**  
**Sarajevo, 13.01.2022.godine**

Na osnovu člana 9. Poslovnika o radu Komisije za izbor i imenovanje predsjednika i članova Upravnog odbora Univerziteta u Sarajevu – ispred osnivača, broj: 02-04-43454-27.1/21 od 13.01.2022.godine, Komisija donosi

## **O D L U K U**

o standardima za izbor i ocjenjivanje kandidata u postupku izbora kandidata na poziciju predsjednika i članova Upravnog odbora Univerziteta u Sarajevu – ispred osnivača

### **Član 1.**

(1) Svi kandidati za imenovanje moraju da ispunjavaju uvjete propisane Javnim konkursom za izbor i imenovanje predsjednika i članova Upravnog odbora Univerziteta u Sarajevu – ispred osnivača.

(2) Kandidat je dužan prije intervjua potpisati “Obrazac za pitanja kandidata koja mogu dovesti do sukoba interesa” i dati izjavu pod krivičnom, moralnom i materijalnom odgovornošću da je upoznat sa standardima ličnog integriteta, da su pitanja o sukobu interesa detaljno razmotrena, da je upoznat o pravu javnosti. Sastavni dio izjave su i podaci o neposrednim rukovodiocima od kojih se mogu dobiti preporuke i informacije o kandidatu.

### **Član 2.**

U svrhu određivanja osnove za izbor kandidata prema kvalitetu, utvrđuju se standardi pri intervjuu za izbor i ocjenjivanje iz oblasti:

- a) poznavanje djelatnosti i zakonske regulative iz nadležnosti reguliranog organa,
- b) upravljanje (liderske vještine, planiranje i organiziranje)
- c) kompetencija kandidata (profesionalni razvoj i integritet, timski rad, komunikacija).

### **Član 3.**

(1) Obrazac za izbor i ocjenu kandidata je sastavni dio ove odluke.

(2) Članovi Komisije ocjenjuju pojedinačno svakog kandidata, ocjenom od 1 do 5, za svaki odgovor iz oblasti iz člana 2. ove odluke.

(3) Kandidat koji od člana Komisije dobije ocjenu 1 za odgovor na postavljeno pitanje, ne može biti najbolji kandidat i ne može biti stavljen na rang listu sa najboljim kandidatima.

### **Član 4.**

U skladu sa odredbom tačke 2. stav (3) Odluke, a u svrhu pribavljanja dokaza o ispunjavanju uvjeta iz tačke 2. stav (2) alineja b) i c) najboljim kandidatima smatraju se kandidati koji su na intervjuu ostvarili 50 i više bodova.

**Član 5.**

Ova odluka stupa na snagu danom donošenja.

**PREDSJEDNICA KOMISIJE**

*/ Belma Trajkov*